

中國地方志集成

安徽府縣志輯 ⑤⑤

同治祁門縣志

光緒祁門縣志補



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯⑤⑤

出版發行 江蘇古籍出版社

社址：南京市中央路一六五號

發行部電話：〇二五·三·二三四六二

郵編：二一〇〇〇九

印刷 上海市印刷七廠

定價 一二二〇元

1998年4月第1版第1次印刷

ISBN 7—80643—016—4/K·16



同治祁門縣志



(清) 周 溶 修
(清) 汪 韻 珊 纂

本書二十六卷首一卷，據清同治十二年（一八七三）刻本影印。

重修祁門縣志序

同治己巳歲皖邦

大府倡修安徽通志檄各府
州縣修志以備採擇非矜著
作也慨自髮捻肆惡江南北
徧地干戈其間戶口逃亾田

祁門縣志

卷首

何序

地荒廢城垣毀壞廟宇傾圯
一切人事物產今昔懸殊滄
桑變改將欲考之掌故而簡
冊剝殘書籍焚燬如省志郡
邑志千百什一幾於無存倘
此時不振起而修輯之墜緒

茫茫以後更難旁搜而遠紹

大府命下各郡邑咸知此事
之不可緩惟事關紀載攷古
證今又非尋常操觚之士所
能爲役也周大令春浦時宰
祁閭勤求吏治多所整頓慨

祁門縣志

卷首

何序

二

然以修輯邑志爲已任此與
明永樂辛卯之邑宰路君萬
厯己亥之邑宰余君

國朝康熙甲子之邑宰姚君
道光丁亥之邑宰王君皆能
考獻徵文思垂不朽者也爰

集城鄉殫見洽聞之士分司其事更延海陽名進士汪韻珊比部以主講東山推其秉筆夙聞比部品端學邃其考據必精筆削必審今披閱纂修成編以道光志爲權輿而

續輯道光丁亥後四十餘年之事至同治壬申而止分門別類溯源竟委譌謬者辨之闕畧者增之體例之未符者正之勞績之可收者錄之忠義節烈之抑塞者闡發而表

彰之閭閻利弊之關係者剖析而詳究之小之爲編紀補拾之能事大之卽風俗政治之主張此固非徒炫宏富誇月旦也夫邑各自輯其志卽郡志之所由資郡各自輯其

志卽省志之所由集值兵燹亂離之後前千百年之事不可聽其渙漫而散佚近十餘年之事尤不可任其湮沒而不傳周君因邑志成而以序請余亦何能以不文辭是爲

序

同治十二年癸酉夏月知徽
州府事卓異加一級古端州
何家驄撰



重修祁門縣志序

環祁皆山也桃峯西峯白石
峯盤錯如蠶叢磅礴鬱積發
爲英奇代有聞人職是故歟
夫山川亘古不變人事與時
推遷賴得播休聲闡遺行具

懲勸繼繼繩繩捃摭搜推昭
示後世而垂無窮幸矣語曰
莫爲之前雖美弗彰莫爲之
後雖盛弗傳志之不可以已
也如是夫壬申秋余權守新
安祁宰周君春浦偕邑中博

雅士續纂成書余披覽久之
竊嘆所關治績者大風化者
宏非區區誇輿圖勝概物產
蕃滋已也噫祁閭之設自唐
迄今千有餘歲矣兵燹幾經
厯矣而今昔梅城載籍爛焉

設非賢人君子維持其間何
以得此志之作也始元代邑
人汪子相亦越我

朝續修凡五諸序具在類皆鉤
元提要旨遠詞文余毋庸贅
第不獲辭周君意且心嘉美

舉之匪易易也用綴數言附
大雅後聊誌相契之深云

同治十一年十二月

欽加道銜署徽州府知府安州
劉奎光謹撰



重修祁門縣志序

祁邑古屬黟為赤山鎮唐大
厯初始析黟之六鄉及饒浮
梁地而置邑焉祁山峙其東
閭門輦其南川谷環抱靈淑
寔鍾婉杏山謂山川奇峭多

產異人文章勲業不下他邑
諒哉然自唐大厯丙午迄元
元統癸酉五百餘年其間建
置沿革風土物宜與夫人才
之盛衰政治之得失缺焉莫
紀邑人汪元相括其事而編

輯之名祁閭志祁有志自是
始厥後永樂辛卯萬厯己亥
及

國朝康熙甲子凡三經修輯至
道光丁亥前令王君讓為最
後續修之歲康熙以前舊志

散佚今不復存存者惟道光
志其時王君以著作之才執
簡而操其政而又得鄉士之
賢而博達者旦夕編摩實事
求是閱三寒暑勒為成書凡
前志之大綱子目不協於史

例者悉從釐正嚴而有法覈而不煩蓋駸駸乎良史也然溶嘗受而讀之其中之闇於掌故乖乎體裁舛誤而濶疏者猶或不免江文通有言史之難無出於志則信乎其難

也夫自丁亥迄今又四十四年矣歲月屢遷中更多故溯咸豐甲寅至

今上同治癸亥粵賊流竄毒徧江南祁以地處衝要被禍尤酷此十年中士紳之籌餉練

團義民之同仇敵愾以及愚夫愚婦或從容徇節或激烈捐生其足泣鬼神而光志乘者不知凡幾斯固我

國家德澤涵濡之深抑亦吾邑士氣民風之厚此尤前志之

所無而不徒陵谷變遷景物殊異之亟宜編紀已也溶以己已視篆此邦適吳大中丞倡修安徽通志檄各郡邑修志以備採擇溶幸斯會之適逢而復以斯任之弗勝為惴

惴乃與典教兩齋集邑中人
士而議之或謂前志修於道
光丁亥距今匪遙文獻猶存
蒐討自易予曰否否是非可
苟焉而已夫志之例與史通
紀述弗尚乎文攬撫務求其
實而職其事者又必破除一
切允協大公毋狃乎已見毋
徇乎人情著往而來者可徵
衰死而生者可勸庶幾裒然
成一代政治風俗之書可以
信今而傳後是非可苟焉而

已衆唯唯爰設局試院延城
鄉方聞綴學之士而治事焉
適海陽汪進士韻珊比部主
講東山共推秉筆溶復以聽
政之暇與諸君子悉心講求
先舉前志之譌者訂之略者
詳之大綱予目一仍其舊然
後彙丁亥以來四十四年之
事綜名覈實別類分門綴於
前志之後都為一書遵前例
也語曰不習為吏視已成事
溶不敏不敢自附於作者之

林而與諸君子敬謹將事之心或有當於補闕拾遺之義云

同治十一年歲在壬申冬月
欽加同知銜知祁門縣事世襲

雲騎尉南豐周溶謹撰

祁門縣志卷首序

七



祁門縣志

督修

署徽州府知府梅錦源 湖南人

徽州府知府何家驄 廣東高要縣人舉人

欽加道銜署徽州府知府劉奎光 湖北安陸縣人舉人

主修

欽加同知銜世襲雲騎尉祁門縣知縣周溶 江西南豐縣人

協修

署教諭芮澐源 潛山縣人

署教諭查煥修 涇縣人

祁門縣志卷首

署教諭洪參銓 東流縣人

署訓導查光瑞 銅陵縣人

署訓導郝志鴻 繁昌縣人

署訓導黃茂熙 東流縣人

重修祁門縣志凡例

一前志修於道光丁亥今從丁亥以後編輯至同治壬申志成之日爲斷

一道光志大卷分輿地水利食貨學校武備職官選舉人物藝文冠以圖序殿以雜志今仍從舊未有增除惟雜志子目兵事一門係新增入

一各門紀載見前志者註明某志新編入者註明採訪以示區別

一忠義孝弟節孝三祠前志列於壇廟體例未符今列入學校志學宮之後說見本篇

祁門縣志卷首

凡例

一康熙志載有祠宇道光志以爲故家大族人所共知概從刪去惟徽俗最嚴門第况經兵燹之後世族不少凌夷今據各姓舉報復行彙編一以稽氏族之廢興一以杜非族之影響

一邱墓照道光志例只載名賢忠義及三品以上勳業爛然者餘俱不載以示限制其康熙以前志所載者仍存不刪

一選舉一門例貢由文庠報捐者載入非由此者不載遵前志例也

一道光志援例職銜由文庠出身及曾經實授地方者並

載餘不錄茲自軍興以來或輸餉佐軍懇邀議敘或帶團殺賊獎給軍功實爲前志之所無與尋常捐職榮身者不同應並採錄以爲急公効力者勸

一人物志所採孝友文苑義行遵照 憲頒志例必係沒世論定之人仍由本鄉出結送局由局聯銜稟縣核實批准然後入志其有前志未收確有徵信者按照時代先後分門編入補遺

一列女一門照道光志例首列節孝而以孝婦賢淑附後已故已旌者在前列現在年例已符待旌者次之

一自咸豐甲寅至同治癸亥殉難紳民婦女按祁門紀變

祁門縣志卷首

凡例

二

錄增以採訪分年編列紳民附忠義後婦女附節孝後其有本籍而殉難他鄉者一併採登有異籍而殉難於祁者概不闕入

一藝文一門只載書目其有著作關乎地方文字出於名宿者畧仿史記漢書之例分別收於本事本大之下他如游戲應酬之作風雲月露之詞一概不收以免冗濫
一道光志例謂舊志沿誤殊多如岳忠武師過東松菴與僧子珣問答之語乃採聞巷謬談又痛斥水碓之害味於利弊恐誤興除關係不小一一按辨附於各條之下不復另立辨論今從之

一舊志不載志源然郡之有志自邑人汪元相作始於元
 元統癸酉迨明永樂辛卯萬厯己亥及
 國朝康熙甲子道光丁亥凡四修輯序文具在班班可考
 今特以次列於簡端俾後之覽者得以循流溯源免立
 志源一冊

祁門縣志

卷首

凡例

三

祁門縣志圖

四境圖

考棚圖

城垣圖

縣署圖

學宮圖

書院圖

青蘿巖圖

閭門圖

鳳凰山圖

共計九圖

祁門縣志


卷首

圖





祁門縣志卷首圖



祁門縣志卷首圖



